



basic education

Department:
Basic Education
REPUBLIC OF SOUTH AFRICA

NATIONAL SENIOR CERTIFICATE

GIREIDI YA 12

TSHIVENDA LUAMBO LWA HAYANI (HL)

BAMMBIRI LA U THOMA (P1)

LUHUHI/THAFAMUHWE 2016

MARAGA: 70

TSHIFHINGA: Awara 2

Bammbiri ili li na masiatari a 13.

SIATARI LA NDAELA NA MAFHUNGOTHANGELI

1. Bammbiri ili li na KHETHEKANYO THARU:

KHETHEKANYO YA A:	Tholokanyondivho	(30)
KHETHEKANYO YA B:	Manweledzo/Samari	(10)
KHETHEKANYO YA C:	Zwivhumbeo na milayo ya kushumisele kwa luambo	(30)

2. Fhindulani mbudziso DZOTHE.
3. Thomani khethekanyo INWE na INWE kha siatari LISWA.
4. Hune khethekanyo INWE na INWE ya fhelela hone ni talele.
5. Nomborani phindulo dzañu zwi tshi anana na kunomborelwe kwo shumisaho kha ili bammbiri la mbudziso.
6. Ni tshi fhedza u fhindula mbudziso INWE na INWE ni pfuke mutaladzi.
7. Ni dzhiele nzhele mupeleto na kufhattele kwa mafhuno.
8. Tshifhinga tsho anganyiwaho:
- | | |
|-------------------|---------------|
| KHETHEKANYO YA A: | Minetse ya 50 |
| KHETHEKANYO YA B: | Minetse ya 30 |
| KHETHEKANYO YA C: | Minetse ya 40 |
9. Nwalani nga vhudele, nahone zwi vhaleaho.

KHETHEKANYO YA A: THOLOKANYONDIVHO**MBUDZISO YA 1: U VHALA U ITELA THALUTSHEDZO NA U PFEESA**

Vhalani TSHIBVELEDZWA TSHA A NA TSHA B uri ni do kona u fhindula mbudziso dzo disendekaho khazwo.

TSHIBVELEDZWA TSHA A

- 1 Vhufa ndi tsiko ye Gole Musikavhathu a nea dzitshaka uri dzi diphine na u tshila ngaho. Zwa hashu zwi ri ita vhathu. Muthu arali a divha hune a bva hone na hune a ya hone u do hu divha. Kha ri ditongise nga sialala lashu. Hu na zwinzhi zwine nga nwedzi wa vhufa ra nga ita uri ri kone u kokomedza zwa mvelo yashu kha vhaswa na vhaaluwa. 5
- 2 Musi duvha la vhufa li tshi da, kha ri vhone shango la hashu li tshi diphina nga u tana mateletele e Nwali a li tama ngao. Shango lashu lo anda tshakha dzo fhambanaho, hune lushaka lunwe na lunwe lwa pembelela vhufa halwo. Nga nwedzi wa vhufa kha ri tane mvelele, zwiliwa, zwishumiswa, fhethu ha vhufa, zwiambaro, mitshino, mitambo, maitele na zwiwe zwinzhi zwa sialala. 10
- 3 Shango la Afrika Tshipembe lo pfuma kha ili sia. Nga duvha la vhufa sa Vhavenda ri a tana zwiliwa zwa sialala, u itela uri thangana ya murole i divhe zwa hayo. Hu a bikwa zwidzimba, madovhi, dzithophi, mabovhola, mashonzha na mikusule. Tshaka dza vhuswa dzo fhambanaho na dzone dzi a bikwa; hu tshi vhutete ho raloha u avhiwa phethwa, mituku ya mavhele, zwisese, zwiruthule na ha makhaha. Zwiliwa izwi zwi na mutakalo u fhiraho mahinyahinya othe a ano maduvha. 15
- 4 Vhavenda ndi vhathu vhane zwi tshi da kha sia la vhudimvumvusi vha na zwinzhi. Hu na mitshino ya sialala i ngaho zwigombela, malende, zwifasi, madzhukwa na miwe minzhi lune u vhala ndi u pfa nungo. Ndi hune wa wana yo tou tanganedzana thovhela, u mupfufhi u si mphire. Afha kha thangana ya murole u wana yo angana, vharwe vhe kha ndode, khube, thai, ngano na mahundwane. Naho vha tshi ri mufuvha u lambisa thakha, vhakalaha vha hana u pfa tshikha, ya raloha u boholana ya makhotho. 20
- 5 Vharema vha di vha na zwikolo zwavho zwa sialala sa musevhetho, domba, mula, vhusha, vhutuka na zwiwewho. Afhaha ndi he ha vha hu tshi gudwa mikhwa, maitele a zwithu, u kondelela na zwiwe zwinzhi. Muswa o fhiraho zwikoloni izwi u vha na tshirunzi na mvumbo yo rombaho. Muthu o fumbaho u vha kule na malwadze manzhi a zwa vhudzekani. 25

- 6 Hu na fhethu he muvhuso wa hu rwela t̄ari u vha vhupo ha vhufa hune vhaendelamashango vha hu dalela misi yothe. Fhethu afho ndi hune u bva tsikoni ho tou ralo sa zwe Nwali a hu tea, naho hu na zwituku zwine zwa bveledziswa sa dzibada na zwifha. Vhuponi ha vhufa, a si zwe the zwine zwa tea u shandukiswa nga muthu ngauri zwi nga tshinya tsiko ya Nwali. Kha la muno ri na vhupo vhu ngaho Mapungubwe, Dzivha Fundudzi, Table Mountain na huiwe hunzhi. 30
- 7 Vhavenda ndi vhathu vhane vha divhelwa u vhada. Nga tsiko vha na vhutsila ha u vhumba dzikhali, dzinkho na dzimvuvhelo. Vha dovha hafhu vha divhelwa u fula tsimbi. Kha sia la zwilukwalukwa vha fara ndi ida u vhone. Vha dovha hafhu vha divhelwa u lima, vhufuwi na zwiñwe zwine u vhala ndi u sokou dinetisa. Hezwi zwe the ndi vhutali na vhutsila he Gole a shomedza vhathu vhaweh ngaho. 40
- 8 Rine Vhavenda kuambarele kwashu na kwone ku nga ndila yo khetheaho. Kale thungamamu na dzikhomba vho vha vha tshi kona u tshimbila mikotoni vho dishavhedza nga maredo na zwitingwa li la maladze, hu hone tshifhefho tsho vhuya na mphwe dzatsho. Vhanna na vhatukana u wana vho ya nga vhugoni na tsindi, zwi tshi u vha doba mutsinda a tovhowa. Vhafumakadzi nga ngeno vho ya nga mikhasi thovhela, tshithivhavivho, makunda na vhutomolatsie, u tshi wana ho takuwa mubvana nga husili. Kuambarele kwa sialala kha ku vhuye ri ditame nga zwa hashu. 45
- 9 Thavhani musanda vha tou de a hu vhi na tsaleli. Zwividzo iteli zwi tshi dzivhela shango, ngauri thavha ya zwa vhafhasi vha lala tshidele. Zwikona zwa lila mavhuthu a a vhuthana na lukole lwa rithea ha vhuya ya mibvumbi. Muñulagole ya vhuya ya lila hu takala ha takala na zwihwenu, Venda la vhuya tshikale nandi! Musanda nduvho dza hwedzwa, hu vha haya ha tsiwana. Mahosi ashu a tea u luvhiwa ngauri ndi vhone vha vhufa na luambo. Shango li naka thovhele ngauri a shaiwa ndi mulano. 55
- 10 Ri nga hangwa hani luambo lwa ñamuni saizwi lu lwone lwo faredzaho vhufa na mvelele ya lushaka. Nwana u pfa na u kaidzwa nga luambo lwawe uri a divhe ndavhuko ya vhomakhulukuku wawe. Ane a sedza luambo lwa haweh nga ito la u koda thanga o xedza mvumbo na mvelele yawe. Vhabebi tusani thoni dici diswaho nge ñwana a xedza luambo no sedza. 60
- 11 Mahosi dzwingani dici khwathe, vhufa, mvelele na luambo zwi vhuye hayani. Masingo faranani, ni si late tshovha ngauri u nala tshau iteli hu u lata. Na sa ralo, matsige o tuwa na zwiombo. 65

[Zwi bva kha Thimu ya Vhatoli]

TSHIBVELEDZWA TSHA B

[Tshi bva kha <http://www.google.co.za/imgres>]

MBUDZISO: TSHIBVELEDZWA TSHA A

- 1.1 Nwedzi wa Khubvumedzi u fhambana hani na miniwe miniwedzi fhano Afrika Tshipembe? (1)
- 1.2 Ndi zwifhio zwine zwa nga itwa u t̄utuwedza vhathu kha u d̄idzhenisa kha zwa vhufa? Bulani ZWIVHILI. (2)
- 1.3 Kha phara ya 3, ndi ngani muñwali a tshi khou simesa la uri vhathu kha vha takalele zwiñiwa zwa sialala? (1)
- 1.4 Sumbedzani uri mitshino ya sialala i na mushumode kha lushaka u ya nga mafhungo aya. (2)
- 1.5 Kha mutualadzi wa 24, hu na lifurase: '... ya raloha u boholana ya makhotho'. Maipfi aya a ni disela muhumbulo-de zwi tshi kwama matshilisano? (2)
- 1.6 Kha mitaladzi ya 39–40, hu na liambele. Li topoleni ni sumbedze uri li thusedza hani u bvisela khagala kúpfesesele kwañu kwa mafhungo aya. (2)
- 1.7 Kha phara ya 8, muñwali u tod̄a u t̄ana na u bvukulula Vhavenda nga ndilade? Tikedzani phindulo yañu. (2)

- 1.8 U ya nga mafhundo e na vhala kha phara ya 10, ndeme ya luambo ndi ifhio? (1)
- 1.9 Nangani phindulo yoneyone u khwathis^{ed}za likumedzwa ili: 'Matsige o tuwa na zwiombo.'
- A Ngoma a dzi tsha ^{do} lila.
 B Mulidzi u ^{do} nala a ^{tu}wa.
 C Vhathu vha ^{do} xeletwa nga vhufa.
 D Matsige u ^{do} tuwa na zwa u lidza ngazwo. (1)
- 1.10 Ndi ufhio muhumbulo muhulwane une muñwali a ^{to}dou ri siela wone nga mafhundo aya? (2)
- 1.11 Ni nga itani u vhuisa dzangalelo ^{la} zwa vhufa kha vhaswa vha musalauno? Tikedzani phindulo yanu. (2)
- 1.12 Bviselani khagala vhupfiwa ha^ñu malugana na mafhundo a tshibveledzwa tshe na vhala nga u angaredza. Tikedzani muhumbulo wanu. (2)

MBUDZISO: TSHIBVELEDZWA TSHA B

- 1.13 Kuambarele ukwu ku ni ^{di}sel^a tshifanyiso-^{de} muhumbuloni wa^ñu? (1)
- 1.14 Ndi lini hune mitshino yo raliho ya anzela u tambiwa? (1)
- 1.15 Sumbedzani ndeme ya mitshino yo ^taniwaho kha tshifanyiso itshi. (1)
- 1.16 Ndi hufhio u dzhia sia hu ^taniwaho nga mvelele iyi u ya nga ha tshifanyiso itshi? (2)
- 1.17 U ya nga kuvhonele kwa^ñu, ni vhona u nga mitambo yo raliho i na thuso-^{de} kha u vhuedzedza mikhwa kha vhaswa? (2)

MBUDZISO: TSHIBVELEDZWA TSHA A NA TSHA B

- 1.18 Zwibveledzwa izwi (A na B), zwi anana hani na zwo faredzwaho kha Ndayotewa ya shango ^{la}shu? Tikedzani muhumbulo wanu. (3)

THANGANYELO YA KHETHEKANYO YA A: 30

KHETHEKANYO YA B: MANWELEDZO/SAMARI**MBUDZISO YA 2: U NWELEDZA NGA MAIPFI ANU**

Vhalani TSHIBVELEDZWA TSHA C nga vhuronwane.

THANYELANI: Ni lavhelelwa u ita zwi tevhelaho:

- 1 Nweledzani ni tshi sumbedza uri vhukuma **muongi ndi wa ndeme kha mulwadze muriwe na muriwe.**
- 2 Nwalani **phara** yo lunzhedzanaho tshidele, ni shumise maipfi anu.
- 3 Manweledzo anu a faredze mbuno dza **SUMBE** nga maipfi **a sa fhiri 90.**
- 4 A **ni lavhelelwi** u dzhenisa t̄hoho ya manweledzo.
- 5 Sumbedzani **tshivhalo tsha maipfi** mafheloni a manweledzo anu.

TSHIBVELEDZWA TSHA C

Tshivhangalelwa tsha vhathu ndi vhuthu, uri vhutshilo vhu vhonadze mutoli wo faredzwaho. Vhuthu ndi tshiko tsha vhutshilo vhunga zwa madzanga zwi tshi todana. Sibadela kha hu tanwe vhuthu ngauri ndi hone hune ha todea thikhedzo kha vhutshilo.

Mulwadze a vhaisala lwo kalulaho u toda thusedzo ya vhaongi ya u tanzwiwa uri a vhe kule na vhutatatzili. Afha ndi hone hune vhaongi vha tea u sumbedza mbilu ya mbavhalelo, ngauri zwa sa ralo vhulwadze vhu nga di kunda.

Sibadela kha hu vhe haya ha luambo lune lwa vha na mbavhalelo ngauri lu shanduka dzilafho li si na vhukono kha vhalwadze. Luambo lwo dalaho mutoli lu vha marudzambilu kha mulwadze, lwa na na u mu nea fulufhelo la uri khuvhani u do fhola.

Mulwadze o laho a fura u tharamuwa vhunga dzuvha musi mapfuvhi a tshi tswuka. Zwenezwo ndi mushumo wa vhaongi u kapudza vhalala vhalwadze vha si tsha konaho u dilela nga vhothe. Maitele aya ndi one a talulaho muongi o dzhiaho budo ili sa mbidzo.

Madokotela tshavho ndi u riwala mishomga yo fanelaho u newa vhalwadze fhala kha faela dzavho. Vhaongi vho pfumaho vhuthu vha tshi netshedza dzilafho ilo vhalala vhalwadze, vha sa koni nga vhothe vha vha nwisa mbilu dzo tshena na lukovhi lu songo vhuyana.

Vhalwadze vha tahisaho khumbelo ya u iswa tshampungane vha tea u newa ndondolo yo fhelelaho nga muongi hu si na u kolo iwa. Hezwi zwe the zwi na na u tana tshilidzi na vhuthu kha vhalwadze, zwa ita uri vha pfe vho tanganedzea nahone ho shanduka u vha haya nga vhusili.

Mushumo wa vhuungi u ḥoda vhaongi vhane vha ḥodana na u tshilisana, vha sa sedzi vhuimo, mbumbo na vhubvo. Zwa ralo vha konaha u ḥetshedza tshumelo vho takala, lune zwa ḥisa mbuelo ndavhelewa nga vhulangi na vhalwadze. Lushaka lwa vhonā izwi lu ḥalā fhulufhelo ḥa uri hu na vhatshilo vhuongeloni.

Vhathu vho ḥaho u ḥolela vhalwadze vha ḥoda ḥonifho na u farwa nga ndila yavhuđi. Vhashumi vha zwibadela vha vhonadza dzema iļi, vhanē vha vhalwadze vha tuwa vho takala, nga mbilu vhe vhalwadze vho thukha tshidele.

Arali zwa rali sibadela hu ḥo vha haya ha vhuthu na fhulufhelo.

[Zwi bva kha *Thimu ya Vhatoli*]


THANGANYELO YA KHETHEKANYO YA B: 10

**KHETHEKANYO YA C: ZWIVHUMBEO NA MILAYO YA KUSHUMISELE
KWA LUAMBO**

MBUDZISO YA 3: U SENGULUSA KHUNGEDZELO

Talelani TSHIBVELEDZWA TSHA D uri ni do kona u fhindula mbudziso dzo disendekaho khatsho.

TSHIBVELEDZWA TSHA D



Mulakhulu u a fhinduwa, masalela a fara madula.
 Ndambedzo yo vhuya nga ndalo. Arali ni tshi tama u dzhia budo la vhudokotela musi no phasa gireidi ya 12, mahothi ashu o vulea.
 Idani ni wane ndambedzo ya masheleni a u gudela vhudokotela.
 Vhudokotela, wone murango wa vhutshilo hashu nandi!
 Ndambedzo i do wanwa nga vho phasaho nga naledzi kha therero dzithe.
 Ane a do wana ndambedzo iyi u do shuma zwibadela zwa muvhuso vhutshilo hawehothe.
 Ri wanala Polokwane tsini na zwifha to zwa Khasho ya Lushaka (SABC) kha tshifha to tsha Thusanani.
 Vha nga ri kwama kha nomboro dzi tevhelaho: 081 114 5732 kana kha imeili: www.thusanani.co.za kana vha tou ri dalela zwifha toni zwashu.

[Tshi bva kha Personal Finance Volume 60]


MBUDZISO: TSHIBVELEDZWA TSHA D

- 3.1 Mushumo wa khephusheni kha khungedzelo iyi ndi ufhio? (1)
- 3.2 Muhumbulo muhulwane wa khungedzelo iyi ndi ufhio? (1)
- 3.3 Vhalani fhungo ili: 'Vhudokotela, wone murango wa vhutshilo hashu nandi!' Hu na zwiga zwa u vhala zwo shumiswaho, zwi buleni ni dovhe ni nee na mushumo wazwo. (3)
- 3.4 Nangani phindulo nthihi i re yone kha mutevhe wo newaho afho fhasi.
 U ya nga khungedzelo iyi, vhatu vhanne vha do wana ndambedzo ndi ...
 A vho phasaho Mbalo na Saintsi nga naledzi.
 B vho phasaho therō dzothē.
 C vho phasaho therō dzothē nga naledzi.
 D A, B na C. (1)
- 3.5 Kha khungedzelo iyi muñwali o shumisa maipfi haya: '... u do shuma zwibadela zwa muvhuso vhutshilo hawē hothe'.
- Sumbedzani ndeme ya thekiniki ya fonto kha fhungo li re afho nthā. (2)
- 3.6 Nga kuvhonele kwañu, ni vhabona u nga khungedzelo iyi yo swikela ndivho yayo naa? Tikedzani phindulo yanu. (2)
 [10]

MBUDZISO YA 4: U PFEESA ZWINWE ZWITALUSI ZWA VHUDAVHIDZANI

Talelani TSHIBVELEDZWA TSHA E uri ni ^{do} kona u fhindula mbudziso dzo disendekaho khatsho.

TSHIBVELEDZWA TSHA E: KHATHUNI



MBUDZISO: TSHIBVELEDZWA TSHA E

- 4.1 Sumbedzani vhushaka vhune muoli wa khathuni iyi a ^{to}da u vhu bvisela khagala kha avha vhavhili? (2)
- 4.2 Kha fureme ya 2, mbonalo ya avha vhavhili i ni ^{disela} muhumbulo-de? (2)
- 4.3 4.3.1 Nangani nthihi ya phindulo u fhindula mbudziso i tevhelaho:
Khathuni iyi i sumbedza vhatu vha afha fhethu vha tshi shumisa ... kha u wana vhududo.
A Mu^hdagasi
B Mbaula
C Malasha
D A, B na C (1)
- 4.3.2 Tikedzani phindulo ye na nanga kha 4.3.1. (1)
- 4.4 Kha iyi khathuni hu na he muoli a shumisa liambele, inwi li topoleni ni li shumise u vhumba fhungo li pfalaho. (2)

- 4.5 Nga kuvhonele kwanu, kunyanyutshele kwa avha vhavhili kha fureme 2, ku tshi tendisea? Tikedzani phindulo yanu. (2)
[10]

MBUDZISO YA 5: U SHUMISA LUAMBO NGA NDILA YONE

Vhalani TSHIBVELEDZWA TSHA F uri ni do kona u fhindula mbudziso dzo disendekaho khatsho.

TSHIBVELEDZWA TSHA F

- 1 Lubannda o ri u pfa vothi li tshi phamu, a mbo di bva nga fasitere, a vha o ya. O zwi divha uri vhamusanda Vho Sogisi vha do ya mushumoni nga li tevhelaho. Lubannda u vhonala e zhinda lo lugaho ngeno e nowa. Mazhinda a ano mađuvha ha tsha divhalea. 'Namusi a ni nga li zwiliwa ni sa athu amba ngoho', ndi vhamusanda Vho Sogisi vho tou halifha tshothe. 'Disani tshelede 5 yanga'.
- 2 Mathina Lubannda o vha o tswa garaa ya khotsi a ya a hofhotha masheleni a si na vhukono. Vhamusanda vho pfa nga lutingo lu tshi dzhenisa mulaedza wa uri tshelede yo dzhiwi banngani, vha mbo di takuwa na zwenezwo u ya u sedza he vha vha vho vhea hone garaa yavho. Vho mbo di zwi limuwa uri garaa yo 10 mela milenzhe. U bva tshe vha vheya garaa yavho ho vha hu si na muñwe muthu o dzhenaho nga nn̄da ha vhone na Lubannda.
- 3 Vha tshi kha di vha vho mangala, Lubannda u dzhena o ambara mađeki maswa a songo takala zwone. Musi khotsi awe vha tshi mu vhudzisa uri o a wanafhi a ri o hadzimiwa nga khonani yawe Nnditsheni. Vhamusanda vha tshi vhudzisa 15 Nnditsheni a ri ene ha divhi tshithu vhunga e na mađuvha a sa athu mu vhona. Vho Sogisi vho pfa mbilu yavho yo rula musi **vha tshi vho divha** he tshelede yavho ya ya hone.

[Zwi bva kha Thimu ya Vhatoli]

MBUDZISO: TSHIBVELEDZWA TSHA F

- 5.1 Kha mafhundo e na vhala hu na linyanyu 'phamu'. Inwi neani tsinde la liiti le la vhumbwa li tshi bva khalo li fhungoni li pfalaho. (1)
- 5.2 Kha mutualadzi wa 17, ipfi 'rula' li a tenda u bveledza vhushaka ha pholisemi. Li shumiseni u vhumba mafhundo mavhili u khwaθhisidza vhushaka uho. (2)
- 5.3 Kha mutualadzi wa 4, hu na fhungo: 'Namusi a ni nga li zwiliwa.' Inwi li iseni kha luambo lwa musanda. (2)

- 5.4 Kha mutualadzi wa 17, hu na limudi lo swifhadzwaho: '**vha tshi vho divha**'. Zwino inwi neani lushaka lwa limudi ili, ni dovhe ni li ise kha tshifhinga tshi daho. (2)
- 5.5 Isani fhungo li tevhelaho kha luambo lwa u vhiga: Vho Sogisi vha ri: '**Disani tshelede yanga**'. (1)
- 5.6 Kha mitaladzi 1–5, hu na he muriwali a shumisa luvhengelambiluni. Hu sumbedzeni, ni dovhe ni ambe uri ndi ngani ni tshi ralo. (2)
[10]

**THANGANYELO YA KHETHEKANYO YA C:
MARAGAGUTE:** 30
70